



SAMOSTALNI SINDIKAT OSNOVNOG OBRAZOVANJA I ODGOJA  
FEDERACIJE BOSNE I HERCEGOVINE

INDEPENDENT TRADE UNION OF PRIMARY SCHOOLS EDUCATION  
OF THE FEDERATION OF BOSNIA AND HERZEGOVINA

Obala Kulina bana broj 1 71000 S A R A J E V O

Tel/fax: ++387 33 20 52 79 Tel/fax: ++387 33 21 32 56

E-mail: [schools@bih.net.ba](mailto:schools@bih.net.ba); [schools1@bih.net.ba](mailto:schools1@bih.net.ba) Web: [www.sobih.ba](http://www.sobih.ba)

Transakcijski račun broj: 3389002206183142 UniCredit Bank Sarajevo;

Identifikacioni broj: 4200275500007 Porezni broj: 01075330

---

Broj: 01-1251/15

Sarajevo, 3. decembar/prosinac 2015. godine

---

Na osnovu člana 2. Zakona o štrajku („Sl. novine FBiH broj 14/00), članova 6,29. i 109. Statuta Samostalnog sindikata osnovnog obrazovanja i odgoja Federacije Bosne i Hercegovine, Pravila o štrajku Samostalnog sindikata osnovnog obrazovanja i odgoja FBiH, te Zaključka sa V sjednice Upravnog odbora SSOOIO FBiH, Akt broj: 01-1018/15 od 04.10.2015.g., Predsjedništvo Upravnog odbora SSOOIO FBiH, na svojoj **Drugoj vanrednoj sjednici, d o n o s i**

### O D L U K U

#### **o organizovanju i održavanju Generalnog štrajka upozorenja u svim ustanovama odgoja i obrazovanja u Federaciji Bosne i Hercegovine**

#### **Član 1.**

Ovom Odlukom se utvrđuje vrijeme, način organizovanja i održavanja Generalnog štrajka upozorenja u svim ustanovama odgoja i obrazovanja u Federaciji Bosne i Hercegovine, kao i razlozi Samostalnog sindikata osnovnog obrazovanja i odgoja Federacije Bosne i Hercegovine, **zbog kojih se organizuje Generalni štrajk upozorenja.**

#### **Član 2.**

Generalni štrajk upozorenja će biti organizovan **u petak, 18. decembra/prosinca 2015. godine, u periodu od 11:30 do 12:00 sati.**

Generalni štrajk upozorenja će se održati u svim sindikalnim podružnicama Samostalnog sindikata osnovnog obrazovanja i odgoja Federacije Bosne i Hercegovine.

#### **Član 3.**

#### **Razlozi za organizovanje Generalnog štrajka upozorenja su:**

- a) Neotpočinjanje pregovora o usklađivanju Kolektivnog ugovora za djelatnost osnovnog obrazovanja u Federaciji Bosne i Hercegovine („Službene novine FBiH“, broj: 53/00 od 24.12.2000.g.) i Kolektivnog ugovora za djelatnost srednjeg obrazovanja u Federaciji Bosne i Hercegovine („Službene novine FBiH“, broj: 51/00 od 07.12.2000.g.) sa novim Zakonom o radu („Službene novine FBiH“, broj: 62/15 od 12.08.2015.g.) na nivou Federacije Bosne i Hercegovine i na nivou kantona/županija;
- b) Podrška zahtjevu Saveza samostalnih sindikata BiH prema Vladi Federacije Bosne i Hercegovine za **primjenu** člana 182. stav 3 Zakona o radu, koji se odnosi na to da ukoliko kolektivni ugovori ne budu usklađeni sa Zakonom o radu u roku od 120 dana od dana njegovog stupanja na snagu, Vlada Federacije, nakon konsultacija sa Ekonomsko-socijalnim vijećem Federacije, svojom odlukom može produžiti primjenu kolektivnog ugovora za još 90 dana;
- c) Odluka Vlade Unsko-sanskog kantona o umanjenju visine osnovice za obračun plaća zaposlenih u ustanovama predškolskog, osnovnog i srednjeg obrazovanja Unsko-sanskog kantona za X-XII mjesec 2015. g. i 2016. godinu.

#### Član 4.

U skladu sa članom 5 stav 8 Zakona o štrajku, za vrijeme trajanja Generalnog štrajka upozorenja u petak, 18.12.2015. godine u periodu 11:30 – 12:00 sati, utvrđuje se minimum poslova koji se ne mogu prekidati za vrijeme trajanja štrajka, i to:

1. nastavnici su dužni učenike zadržati u učionicama, odnosno u objektima osnovnog obrazovanja i osigurati disciplinu i bezbjednost učenika;
2. direktor škole obavlja svoje redovne poslove u predviđenom radnom vremenu;
3. pomoćnik direktora, sekretar, referent za plan i analizu, blagajnik i drugo administrativno osoblje rade hitne i neophodne poslove sa strankama;
4. tehničko osoblje (portiri, noćni čuvari, ložači) obavljaju redovne poslove utvrđene pravilnikom o sistematizaciji poslova i radnih zadataka;
5. radnici na održavanju čistoće, minimalno 2 radnika i domar škole, obavljaju redovne poslove predviđene za to radno mjesto;
6. u okviru minimuma radnih zadataka za vrijeme trajanja štrajka upozorenja zaposleni su dužni biti u školi u vremenu predviđenom za štrajk upozorenja, a sindikalni odbor (štrajkački odbor) u svojstvu dežurne ekipe u vremenu predviđenom za štrajk upozorenja;
7. u toku organizacije i provođenja štrajka upozorenja, poslodavac je dužan da se pridržava odredaba Zakona o štrajku, Zakona o radu, Pravila Sindikata o štrajku usklađenih sa Zakonom o štrajku i Kolektivnim ugovorom.

#### Član 5.

Zadužuju se predsjednici kantonalnih/županijskih odbora našeg Sindikata da ovu Odluku dostave ministrima resornih ministarstava obrazovanja, svim direktorima i svim povjerenicima sindikalnih podružnica na području kantona/županije.

#### Član 6.

Za provođenje ove Odluke zaduženi su predsjednici sindikalnih podružnica, predsjednici kantonalnih/županijskih odbora i predsjednik Upravnog odbora Samostalnog sindikata osnovnog obrazovanja i odgoja FBiH.

#### Član 7.

Odluka stupa na snagu danom donošenja.

#### **Dostavljeno:**

- Upravni odbor SSOIO FBiH;
- Predsjedništvo Upravnog odbora SSOiO FBiH
- Predsjednicima kantonalnih/županijskih odbora SSOIO FBiH
- a/a

